

Q. F. F. Q. S.

DISSERTATIO MEDICA

De

CEPHALALGIA,

Quam

Præside

VIRO

Nobilissimo, Excellentissimo, Experientissimo,

DN. JACOBO PANCRATIO
BRUNONE,

Philos. ac Med. D. hujusq; Prof. P. famigeratissimo,
& p.t. DECANO Spectabili,

*DN. Præceptore ac Mecænate suo
multis nominibus de-venerando*

Publicæ *φιλιάτῳ* disquisitioni
submittet

AUCTOR & RESPONDENS

JOHANN-VICTOR Sägerschmidt /
Giengâ Suevus.

Ad diem 6. Octobr. Ær. C. cld id c LXXXIII.



ALTDORFI,

Literis HENRICI MEYERI, Universit. Typographi.

PROOEMIUM.



Aud incongruè veneranda finxisse videtur Antiquitas, Junonem ex Jovis cerebro fuisse natam, quibus dubio procul admirandam Cerebri machinam, egregiam constitutionem, quin totius capitis, tanquam cerebri arcis, constructionem, simulq; ejusdem actiones percelebres indigitare voluit; Et rem hunc in modum se habere, nemo, cui

de meliore luto finxit præcordia Titan,

*inficias ibit, dummodo mirabilem cerebri capitisq; constructionem lynceis intuebitur oculis. Quin immò ipsius cerebri partes adeò complicatæ & involutæ existunt, earumq; ad invicem respectus & habitudines ita extricatu difficiles sunt, ut perfectam ejus Anatomiam instituere, pensi magis ardui videatur, quam labyrinthi cujusdam flexiones & meandros velle in plano delineare, ut haud invenustè Cl. Willisius docuit. Quoq; nobilioribus à sapientissimo Creatore idem destinatum functionibus, eò majoribus atq; vehementioribus obnoxium fit sæpè morbis & symptomatibus; Inter quæ Cephalalgia cum creberrime occurrat, levi de causâ oriatur, variisq; morbis complicetur, & in hostili inimicorum insultum, quibus humanum genus diris durisq; impetitur modis, censu haud levis æstimetur momenti, probè consideranda venit, etsi hic affectus creberrimus originem tam variam, incertam & non rarò contrariam habet, ut difficillimum videatur exactam ejus Theoriam *Φαινομένων* tam multiplicium, & sæpè oppositorum solutiones continentem tradere. Quare si in tam vasto disceptationum pelago vela ventis non altius dederò, nec, tanquam brevitatem exosculans, omnes causas, differentias & signa satis exsecuturus fuero, & materiæ difficultatem atq; juvenilem ætatem unà cum librorum necessariorum defectu brevitateq; temporis mihi fore patrocinium, confido. Primo autem Etymologiam morbi subjectum, rationem formalem, unà cum causis & differentiis proponere; dein Methodum Therapeuticam, cum quibusdam remediis annexere lubet. Quæ ut feliciter attingant metam, Maximus Medicorum Medicus conatus secundet.*

TH. I.

Cephalalgia nomen pro omni dolore capitis generaliter hic usurpatur; sed in specie & magis stricte recentem capitis dolorem significat; Nomen obtinet à symptomate & parte affecta, teste Galeno 2. *Meth. Med. c. 2.* ubi ostendit, quibusdam morbis nomina Veteres indidisse à parte affecta, aliis à symptomate, aliis ab utroq;. In specie verò à Cephalæa & Hemicrania differt. *Κεφαλαία* enim est dolor inveteratus, diuturnus, & facili occasione vehementes habet accessiones, ut neq; strepitum, neq; vocem clariorem, neq; luminis splendorem, neq; vini potum, neq; motum ægri tolerare valeant, sed in quiete & tenebris ob doloris vehementiam decumbant, immò tanquam à malleo caput pertundi videtur. *Ἡμιγρία* vero denotat affectionem dolorificam in dimidiâ, vel dextra vel sinistra, ejus parte.

II. Est autem Cephalalgia sensio molesta cujuscunq; partis in capite nerveæ & fibrosæ, distentionem, lancinationem aut corrugationem immediatè sequens. Quemadmodum verò omnes accidentium definitiones perfectæ triplici causarum serie constant, formâ seu genere proximo, materia seu subiecto, & causa efficiente proxima, ita etiam hæc.

III. Genus sive ratio Formalis est sensio molesta: nihil enim hic interest, an molestam, an tristem, an laboriosam, an dolorosam sensationem appelles, sicut nec si passionem ipsam molestiam, an tristitiam, an laborem, an dolorem, quibus vocibus & Plato promiscue usus, dicas, ut Galenus habet *Lib. I. de causis. Sympt. c. 6.*

IV. Hæc ut clariora fiant, ab essentia doloris exordientes, quid nam dolor in genere proprie sit, & quæ ratio afficiendi competat causæ dolorificæ, investigemus, quamvis circâ utrumq; sese tantæ offerant difficultates, ob varias Auctorum sententias, ut minime planum sit, cui calculus adjungere velis aut debeas; Quoad prius licet per sensationem in hoc affectu Tactus potissimum intelligi debeat, uti paulò post ex subiecti declaratione manifestum erit; Nec obstat nobis, quod & reliquorum sensuum externorum affectio Dolor dicatur; Non tamen excludendi quoq; hic sunt sensus interni, imò ipsa animæ rationalis operatio, quâ sensus molestia per spiritus animales oblata cognoscitur & judicatur. Secundum externos sensus est passio: Secundum internos apprehendentes & functionem animæ rationalis actio

actio dicenda. Nec convenit quoq; inter Auctores, in quo consistat formaliter Molestia illa sensationis? Qui enim tristem, laboriosam, læsam, depravatam appellant, mera *ταυπλογία* ludentes petitionem principii committere videntur. Nos salvâ auctoritate aliorum existimamus, quemadmodum ex objecti grati ac sensorium demulcentis sensatione voluptas excitatur; sic ex ejusdem objecti tangibilis violenta & nimîa perceptione produci dolorem, ut ita molestia illa in excessivâ sensatione potissimum consistat.

V. Quoad posterius, quâ nimirum ratione partes sensoriæ, h. e. fibræ nervæ afficiantur à causâ dolorificâ, ut molesta illa sensio sequatur, discrepantes reperiuntur Auctorum opiniones: Quidam cum Avicennâ solutionem continui & intemperiem simul accusant; alii solutionem continui fientem tantum urgent; alii cum nonnullis recentioribus nec solutionem continui, nec intemperiem doloris causam proximam atq; immediatam esse statuunt, sed mutationem subitam & violentam tactilium qualitatum. Enimverò, cum omnes hæ sententiæ modum afficiendi nihilominus relinquunt obscurum & intricatum, ita ut quærenti alicui, quid sit solutio continui fiens? aut quæ mutatio qualitatum intelligatur? certam descriptionem tradere nequeant, placuit nobis in definitione modum causandi specialioribus vocabulis exprimere, nimirum Tensione, Lancinatione, Corrugatione, subintellige præternaturali & violentâ, quæ mox in causarum expositione clarius explicabuntur.

VI. Subjectum latè sumptum Caput est. Stricte vero acceptum & adæquatum solæ illius partes nervæ, & fibræ, quâ externæ, quâ internæ, ut sunt præter communia integumenta, Pericranium, Meninges duæ, Periostia, Nervorum tunicæ. Cerebri & cerebelli, nec non nervorum, si quæ est, medullaris substantia, licet officina & sedes spirituum animalium sensum & motum reliquis partibus impertientium habeantur, subjecto Cephalalgia minime annumeranda, utpote dolorum immunis & fibris destituta.

VII. Ordo nos invitat ad Causarum expositionem & quidem primum Immediatæ, seu Proximæ. Hæc materialiter considerata est vel Sanguis, vel Serum, vel Liquor nerveus vel Lympha; scil. non semper seorsim intellecta, sed sæpe etiam conjunctim, dum sanguis cum sero aut liquore nervoso in hoc affectu producendo conspirant. Cæterum hîc merito quæritur: An non & materia toto genere p. n. aut etiam materia solida, sive pars fuerit, sive extranea, fieri possit

caussa proxima Cephalalgiae? Et respondemus affirmando nixi variis observationibus, quæ extant apud Theoph. Bonett. in *Anat. Pract. L. 1. Sect. 1. obs. 40. & multis seqq.* è quibus patet, pus, abscessum, tumores scirrhosos, coalitionem utriusq; meningis p.n. & alia corpora immediate dolorem capitis produxisse.

VIII. Si formaliter & efficaciter consideratur causa proxima, capitis dolorem infert vel quantitate nimia, vel qualitate vitiosa, vel loco incongruo, motu etiam nimio aut deficiente peccans, quemadmodum hoc ex exemplorum in Practicis copiose occurrentium inspectione elucescit. Et hinc accidit, ut modus afficiendi adeo varius observetur, dum pro varietate vitii in causa dolorificâ occurrentis partes nerveas fibrosas vel nimium tendat, vel lancinet sive vellit, vel ad corrugationem p. n. incitet, quinimò haud rarò causæ concurrentes mixto etiam modo subjectum afficiant. v. g. Si sanguis non solum copia peccans & propter effervescentiam impetuosius ad cerebrum propulsus dolorem tensivum excitat, sed & ob acrimoniam feri conjunctam inflammationes & convulsiva symptomata cum delirio & vigiliis nimis infert.

IX. Progredimur ad Mediatam internam, vel Antecedentem, quæ uti quoad materiam non differt à proximâ, cum sit nihil aliud, quam latens quædam Dispositio morbosa Humorum & Spirituum, aut etiam partium solidarum sive in toto corpore, sive etiam in ipso capite extra tamen actum afficiendi considerata, & ita in hoc affectu quoq; sanguis vel copiâ, vel acrimoniâ, aciditate, ichorositate, falsedine peccans, nec non liquor nervosus ad similem corruptionem pronus; aut etiam partium nervosarum capitis occulta quædam organica minus commoda dispositio & constitutio; Sic causandi modus in hoc consistit, quod variæ intemperies universales, quales sunt febriles, benignæ vel malignæ, aut particulares capitis, quæ nudæ & sine materiâ, Calida aut Frigida, quæ cum materiâ & compositæ, Calida & Humida, Calida & Sicca, Frigida & Humida, Frigida & Sicca inde proveniant, nec non flatuum aliarumq; exhalationum & excrementitiarum portionum proventus & collectio ad caput ab hac dependeant. Pariter organicam structuram capitis minus naturalem largiri dispositionem aliquam ad dolores capitis testantur Observationes. Ita quidam acutum caput habentes κεφαλαλγίες & aurium fluxu laborantes ὠτίρρυποι dicuntur Hippocr. *L. 6. Epid. sect. 1. text. 3.* ita Columbus & Fallopius quosdam sine

futuris maximos dolores sensisse observarunt. Inprimis verò ad Hemiplegiæ generationem præviā quandam vitiosā partium nonnullarum capitis, sive ventriculorum cerebri secernendis excrementis, non verò elaborationi spirituum animalium destinatorum, sive etiam sinuum diversorum, quos meninx exterior sive dura mater dicta per duplicaturam efformat, dispositionem requiri planè est verosimile.

X. Causarum remotarum Externarum, vel Procatarticarum tanta hîc occurrit farrago, ut iis enumerandis, multo minus explicandis, haud sufficientes simus. Passim tamen in Practicorum monumentis eas invenire licet. Dividi possunt in Nonnaturales, sub quibus non solum sex illæ vulgo numeratæ, sed & Medicamenta finistre & incongruè adhibita, item Chirurgicæ operationes perperam institutæ comprehendendi debent; & Præternaturales, quæ varia morborum genera & casus fortuitos forinsecus advenientes completuntur. Quæ omnes quoad efficiendi modum in eo conspirant, quod vel latentem aliquam dispositionem vitiosā gignant, vel eandem jam præsentem in actum deducant. Hoc prolixius exponere facile possemus, nisi brevitatis studium nos moneret, ut ad Differentias properemus.

XI. Quamplurimæ autem apud Auctores occurrunt Cephalalgicæ differentiæ, quas non tam recensere, quam in ordinem saltem edigere fert animus. Aliæ enim respiciunt subjectum, aliæ causarum varietatem. Ad illud pertinent, quod alius dolor totum caput occupet, alius partem, & quidem vel anticam, vel posticam, dextram aut sinistram. Ita Cephalalgia quædam externa in pericranio, aut in cute ambiente hærens, quæ & rarior & levior habetur; quædam interna meninges aut alias fibras nerveas intus occurrentes infestat. Possent & huc annecti quædam differentiæ à sexu & vitæ statione desumptæ, v.g. quando inter symptomata gravidarum primis conceptionis mensibus occurrentia etiam capitis dolor refertur; item quando literati, & curis publicis nimium intenti Cephalalgia frequentius laborant aliis vitæ gaudentibus liberiori. Enimverò cum ratio diversitatis illius in causæ morbificæ varietate potius constet, nolumus hic esse prolixiores.

XII. Quæ ad has verò spectant, desumuntur primum ab earundem essentialibus: Ita aliter se habet dolor à sanguine obortus, qui vel ardens, vel pulsatorius, vel etiam punctorius esse solet. Aliter à sero

à sero aut lymphæ dependens, qui vel gravativus, vel si qualitas quædam vitiosa concurrerit, aciditas aut acrimonia, rodens, lancinans, punctorius (inter has enim proprietates vel nullum, vel certè exiguum erit discrimen) notatur. Si à flatu, aut materia solida, quin & fluida citra urgentem aliam qualitatem subsistente, tensivus; aliter si ab acido styptico liquore vel vapore, ubi Cephalalgia cum contractione quadam animadvertitur. Dein ab earundem accidentalibus, quantitate, qualitate, motu, tempore, more. Quæ à quantitate causæ dolorificæ aut qualitate dependent, coincidunt cum essentialibus, quia materia dum peccat, nunquam est sine quantitate aut qualitate. Ad motum causæ morbificæ pertinet, quod alia Cephalalgia sit Idiopathica sive per essentiam, quæ primario originem in capite sumit: alia per consensum & Sympathica, ex aliâ corporis parte v.g. ventriculo, utero, &c. materiæ communionem obtinens; motus quoq; causæ vehementior vel debilior facit dolorem capitis graviolem aut mitiorem. Huc pertinet etiam differentia inter Cephalalgiam continuam & periodicam, sive per intervalla recurrentem. A tempore alia dicitur recens, alia inveterata & chronica; quo pertinet illa à Willisio seriò inculcata differentia inter Occasionalem & Habitualem; Illa est absq; insigni præviâ dispositione à causis externis noviter excitata; Hæc constanter & crebro molesta est. A more fluit discrimen inter Capitis dolorem benignum, qui nec cum aliis gravioribus symptomatibus conjunctus est, nec suspicio alicujus contagii aut morbi maligni concurrat, & inter Malignum qui contrario modo sese habet, quo & pertinet Cephalalgia Scorbutica, Venerea. Tantum de differentiis. Festinandum enim nobis ad Signa.

XIII. Hæc duplicia cum sint, Diagnostica & Prognostica, de illis non opus est, ut multum simus operosi. Etenim dolor tale est symptoma, quod ægrum cogit ad querelam, & reddit loquacem. Neq; etiam causarum signa difficulter innotescere possunt ex differentiis dolorum jam ante propositis. Externus ad contactum capillorum & compressionem exacerbatur. Internus profundior est & hujus proprium esse signum vult Galenus, quod ad oculorum radices pertingat; in externo vero nequaquam *L. 3. de loc. aff. c. 9.* Hoc impugnavit Fernel. *L. 5. Pathol. cap. 1.* falsum esse dicens ob hanc rationem, quod & externi dolores ad oculorum radices pertingant quia pericranium, cui insident, ad oculorum cavum pertingat. R.

verius *L. 1. Prax. c. 16.* pro defensione Galeni duo adduxit; membranam, quæ à pericranio fertur ad oculi cavum, esse hebetioris sensus & ita non compati dolori externo capitis: deinde neq; membranam illam ita intrinsece & profunde attingere oculum versus nervos opticos, unde fit, ut nec dolor externus possit se extendere ad oculorum fundamenta. Enimverò nobis videtur plane non esse necessarium aut perpetuum signum doloris etiam interni cujuscunq; , sed saltem illius, qui est in parte anteriori, aut in vertice, aut in toto capite: nam qui est in occipite, nisi à causa vehementiori dependeat, non est necesse, ut ad oculum pertingat. Per consensum dolor, vel per præcedentem affectum alterius partis & visceris dignoscitur ab Idiopathico, vel per intervalla: Essentialis ut plurimum continuus ob causæ durationem. Quod Trallianus fundamenti significativi loco posuit *L. 1 c. 1.* Vehementissimi dolores ab activis qualitatibus præcipiè calidâ: Leviores à ficcâ oriuntur; saltem de causis humoralibus & vaporosis intelligendum. Universaliter enim verum non est, cum & Cephalalgia à materia solidâ toto genere p. n. dependentes, quæ non sunt calidæ, ut vermes, lapides; sint acerbissimæ. Cephalalgia præsentis vel futuræ in febribus signum Urinam, habitam qualis jumentorum, dixit Hipp. 4. aph. 70.

XIV. Prænotio & Prædictio dirigi debet ad ipsum Eventum Salutis vel Mortis (2) ad Eventus modum (3) ad Eventus Tempus. Quoad primum licet Galenus *l. 2. de comp. med. sec. loca* expresse dixerit, ob capitis dolorem vehementem neminem unquam animi deliquio oppressum, multo minus mortuum, omnium minime sibi ipsi manus violentas injecisse. Cephalalgia tamen aliis juncta symptomatibus, haud raro desinit in mortem, auctoritate Hipp. 6. aph. 51. Confirmant hoc quamplurimæ observationes, à Bonetto collectæ, supra citato loco. Ad salutarem quoq; pertinet Cephalalgia Critica, quæ scil. præcedit aliquam evacuationem Criticam, præsertim per hæmorrhagiam, aut vomitum, argumento 6. aph. 10. quam prætereà curandam non esse injunxit Galen. *lib. 1. Glauc. c. 15.*

XV. Quoad modum eventus Cephalalgia quædam inveterata transit in Apoplexiam, Epilepsiam, visus hebetudinem, mentis emotionem, & tandem mortem, quemadmodum observavit B. Rolfink. in quodam ægroto Jenensi *Method. cognosc. & curand. morb. capitis Diss. 1.* Alia solvitur pure excreto per nares, sputa, crassa, inodora, alvifusculorum proventus, alvi profluvium. Hipp. *Coac. 1. 172.* Vide-

antur ibidem plures textus, quâ præcedentes, quâ subsequentes, varium eventus modum demonstrantes.

XVI. Ad tempus Eventus pertinent sequentia præfagia; Quod Capitis dolor à causâ manifesta, & occasionalis sine inveteratâ dispositione, citius terminetur, quam habitualis continuus, & Chronicus. Hinc Cephalæa omnium contumacissima habetur. Breviores quoq; sunt Cephalalgia à causâ calidâ, quam à causâ frigida. Longæ sunt Scorbuticæ, & à morbi Gallici miasmate dependentes.

XVII. Obiter circa Prognostica hoc dubium adhuc solvi debet: Qua ratione Dolor capitis Criticus à symptomatrico distinguatur, ne Medicus in præfagio errorem committat? Ostendit hoc Galen. *L. 1. ad Glauco. c. 15.* duobus modis; primum, Criticus locum habet in morbo acuto, suâ naturâ calido, & velocem ad terminum motum habente; Quo respexit Hipp. *3. prognost. t. 31.* Porro quibus horum (scilicet febre laborantium) dolor capitis fieri cœperit primo die, hi quarto, & quinto maximè affliguntur, septimo vero liberantur. Pleriq; tamen ipsorum tertio die dolere incipiunt, divexantur autem maximè quinto, sed liberantur nono aut undecimo. Qui vero inceperit quinto die dolere, aliâq; juxta rationem priorum ipsis fiant, his decimo quarto morbus judicatur. Dein morbus sit boni moris, & habeat alia signa salutaris eventus. Malignus enim morbus, & qui ad perniciem tendit, non potest habere dolorem Capitis Criticum. Atq; hæc sufficiant de Cephalalgia naturâ, causis, differentiis & signis pro instituti ratione.

XVIII. Nunc recto tramite progredimur ad Curandi Methodum, quæ niti debet certis Indicationibus, quarum fundamentum est universalissimum, ex Hipp. *Contraria contrariorum Medela.* Indicationes in hoc affectu curando desumuntur, vel à dolore ipso, vel à causis doloris. A dolore sumpta non prius attenditur, nisi is adeo vehemens fuerit, ut curationem ad se trahat, quod fit, quando vigiliis nimis, delirio, aliisve symptomatibus gravioribus vires vitales prosternt. Enimvero cum ex eodem paulo superius audiverimus, quod Capitis dolor varius adeo sit vehemens, ut vitæ periculum inferat, propterea rarius quoq; indicatio à Doloze locum invenit, præsertim quod & remedia huc pertinentia, de quibus paulo post dicendum, cautè sint in usum vocanda.

XIX. A causis desumptæ Indicationes tot sunt, quot causarum genera, & quot modi, quibus eadem lædunt. Omnes hæ Indicationes

nes in hoc conveniunt, quod postulent remotionem. Externæ removen-
tury vel eas tollendo, vel eas in futurum fugiendo; quod sæpè
sufficit pro curandâ Cephalalgia occasionali & leviori, à causâ evi-
denti obortâ. Internæ removen-
tury vel earundem quantitatem im-
minuendo, vel qualitatem alterando, & mutando, vel earundem mo-
tum corrigendo, vel ad loca convenientia deducendo. In quarum
omnium indicationum executione, & ad præsentem, & ad imminen-
tem, & ad futuram materiam dolorificam erit respiciendum cum ju-
dicio, ut scil. singula singulis suo tempore, loco, ac mensura ritè ap-
plicentur.

XX. Quò vero iis satisfiat, Præsidiorum materiæ petantur ex
triplici fonte. (1) Ex fonte Chirurgico, si sanguis quantitate magis,
quam qualitate, peccet, Phlebotomia in brachio aut vena etiam jugu-
lari, aut frontis celebretur; Interdum etiam expedit, sanguinem
è venis sedilibus per hirudines extrahi, nempe, ut hâc ratione san-
guis ebulliens deorsum versus locum istum, quo sæpè spontè tendit,
sollicitètur. In obstructione mensium concurrente convenit & Ve-
næsectionem in pede instituere, immò non solum in fœminis, sed &
in viris hujus venæ sectionem revulsionis majoris gratia profuisse,
testatur Rhodius *Cent. 1. obs. 73.* & ex hoc Bonettus *Mercur. Compita-
lit. l. 3. p. 82.* Nec Cucurbitulæ negligendæ, dorso, brachiis, aut cruri-
bus applicandæ, quæ etiam sensibilibus sanguinem calidis vaporibus
turgidum imminuunt. Frictiones item & Ligaturæ sive Vincula do-
lorifica extremis injecta non sunt supervacanea, si quidem à parte
affectâ revellere, sanguinisq; motum impetuofum retardare, cre-
duntur. Constrictiones capitis cum fasciâ, supra frontem injecta,
perq; tempora ducta, & in occipite nodo combinatâ, vulgò sunt
notissimæ credenti, quod in dolore capitis futuræ sæpè hient. Enim-
vero potius juvant hæc vincula sensus objectum dolorificum veluti
obtundendo.

XXI. Arteriotomiam post aures in capitis doloribus diutur-
nis, calidis, ac spirituosus commendavit Gal. *l. de cur. rat. per sang. miss.*
c. 22. & confirmavit Paræus *l. 16. c. 4.* Hemicraniam desperatam, ar-
teriotomia in temporibus celebratâ, curatam referens, nullumq; in
eâ periculum esse, persuadere conatus. Verum ad hanc sectionem,
nisi aliis omnibus frustra tentatis, præsertim cum Chirurgis nostris
ratio arterias secandi non probè sit cognita, non accedendum. Cau-
terium futuræ coronali admotum dolorem capitis contumacem ali-
quando radicitus abstulisse testatur River. *L. 1. Prax. c. 16.* Neq; etiam

Fonticuli in cruribus aut brachiis parati utilitate carent in Cephalalgia habituali, & à serofitatibus phlegmaticis dependente.

XXII. E fonte Pharmaceutico multifaria hauriri solent remedia. I. Vomitoria, quæ saltem locum habent, ubi certò constiterit per consensum ventriculi, & primarum viarum caput dolere, humoresq; vel biliosos, vel crudos circa orificium superius hære, aut ibidem fluctuare. Alias enim magis videntur esse noxia, dum per motum illum violentum sanguis & spiritus animales versus superiora repelluntur ad partem affectam, & ita eorundem motus perturbantur. Quoad horum materiam leviora quidem Galenica securiora creduntur, qualia sunt Jus tepidum pingue cum Ol. amygd. dulc. Oxymel. succus Raphani; sed commodiora, & satis quoq; tuta Chymica; inter quæ Tartarus Emeticus ad gr. ij. l. iij. Aq. Benedict. Ruland. ad ʒj. quam auctor ipse cum Aq. fontana, aut vino permiscere solitus, Syr. Emeticus Angeli Salæ ad ʒß. II. Lenientia & Purgantia varia, cum per os assumenda, tum per anum injicienda: quorum omnium materiam & formulas colligere, nimium quantum excederet limites nostræ Disputationis, nec opus est, cum ubiq; in Practicorum scriptis prostant; & delectus institui debeat commodus pro subjectorum curandorum diversitate. In Cacochymia biliosa laudantur Syr. de cich. cum Rhab. Manna, Rhabarb. Rotulæ polychrestæ Cratonis. è Rhabarbaro paratæ. Elect. lenitiv. In Pituitosâ Pilulæ, & Extractum de Agarico. Pilulæ de succino Cratonis. In serosa, Gialappa omnibus palmam præripit in substantia, & Magisterio & Tincturâ (quam Rolfink. Phalajam vocavit *tract. de purgant. sect. 2. art. 3. c. 15.*) commode exhibitâ. Nec usu carent Pilulæ Tartareæ Quercetani, Bontii, Sennerti, &c. Fortiora purgantia, ceu malignam habentia naturam, potius vitanda, quam adhibenda, nisi quod urgente necessitate lenientibus stimuli loco addi possint in exiguâ quantitate; qualia sunt, Diagrydium, Troch. Alhandal. & similia. Clysterum injectio, si in ullo alio affectu, certè in hoc singulare præstant commodum, ita ut in occasionali sæpè utramq; paginam facere videantur, & apud externos Cephalalgia à crapula enemate solo curetur. Ceterum in capitis dolore, qui à dissipatione spirituum per exercitia, cursus, itinera, venationes, & alios labores intempestivos, aut rem veneream, evacuationem, imprimis per purgantia, interdictam esse ab Hippocrate patet ex 4. de rat. vict. in ac. t. 115. III. Diaphoretica & Sudorifera, quorum usus insignis est, cum in recenti, tum inveterato capitis dolore. In horum delectu respiciendum

dum ad causſæ internæ indolem & naturam. Si calida intemperies & sanguinis fervor adfuerit, Præcipitantia & temperata adhibenda. Quo pertinent Corn. C. præparat. Terra ſigillata, Bezoartica. Antimon. diaphoret. Si frigida cum lentore humorum peccet, item in ſeroſitatibus malignis, Diaphoretica calida actu & potentia, ſalina, ſpirituofa, volatilia adhibenda. Quò pertinent etiam Decocta à Ligno ſancto, Rad. Chinæ, Ligno Saffafras. Theriaca, Aq. Theriacales Lugdunenfium, Sylvii. Tinctura Bezoartica D. Mich. Miſtura ſimplex, & ſimilia. Liceat nobis, quia ita moris eſt, unam etiam atq; alteram e dictis adijcere formulam compoſitam.

℞. C. C. ſ. Δ præparat. ℥ij.

⊖ volat. ejusd. gr. v.

▽ Flor. Sambuc. vel Card. Bened. ℥j.

Syr. Cydon. ſimpl. ℥iij. M. pro Hauſtu.

℞. ▽ Theriacal. Lugdun. vel Sylv. ℥j.

Card. Bened. 3vj.

℞. ⊖ Mci gutt. xx.

Syr. Card. Ben. ℥iij. M. ſ. Potio Sudorifera.

IV. Alterantia dicta & Corroborantia varia vel Cephalica, tantum vulgo dicta, præſertim in Idiopathico Capitis dolore, vel etiam Stomachica, Uterina, aut aliis partibus certis Appropriata, habita pro diverſa intemperie corrigendâ, in contrarium, eligenda, ita ut calida frigidis, humida ſiccis, tenuium partium craſſioribus, & viceverſa opponantur; in quorum enumeratione, & formularum multarum collectione ſi vellemus eſſe operoſi, & actum ageremus, & Diſputatio noſtra præter neceſſitatem ultra modum excreſceret.

V. Suppetit quoq; fons Pharmaceuticus Opiata & Narcotica. Inter hæc Pilulæ de Cynogloſſa recenter paratæ ſpecialiter adhunc affectum probatæ inventæ ſunt. Poſſunt tamen & alia adhiberi, vel Emulſiones Anodynæ, vel Laudan. Opiatum correctum ad ij. iij. ad ſummum grana, vel Tincturæ Opii pauxillæ guttæ in commodo vehiculo; magna tamen cautione talia adhibeantur, monente Heurnio, & ex hoc Bonetto d. l. p. 91. cum cauſſam morbificam non abſcindant; Horum igitur norma etiam ſit virium robur. Si Externa Anodyna, quando paucis granis Opiatorum permifcentur, ſecurius uſurpari poſſunt. Alias VI. Externa illa anodyna etiam varianda ſunt, pro diverſâ cauſſæ morbificæ indole. In cauſſa calida Oxyrhodina Epithemata præſtant, quæ in cauſſa frigidâ & Catharrhali magis nocent. Plures Epithematum, Linimentorum, Oleorum, Em-

plastrorum formulæ videantur apud Practicos. In dolore capitis febrili commendatur seq. Unguentum temporibus illinendum, quod

R. Ungv. Alabastr. ʒiij.

Philon. Rom. ʒß.

Ol. Nucist. expr. gr. xv. M. f. Unguentum.

Tandem inter specifica Topica summopere laudatur Verbena Mas, ita ut Forestus mirabilem de hujus effectu in dolore atrocissimo notaverit historiam *Lib. 9. obs. 52.* ubi etiam in Scholio alia specifica, & Amuleta proposuit, de quibus fides sit penes auctores. Nos potius finem hujus Dissertationis desiderantes pauca quædam de remediis è tertio fonte desumendis adhuc adjiciemus.

XXIII. Fons Diæticus, pro futuro materiæ peccantis preventu vitando, affert Rerum sex nonnaturalium dextrum usum, & congruum regimen. Aër igitur eligendus in causâ frigidâ & humidâ calidior & siccior naturâ, vel arte. Exhalationes impuræ, & ventorum injuriæ vitandæ; in calidâ, temperatus: nam sicut omne frigidum, sic aër justo frigidior nervoso generi inimicus, ideoq; fugiendus. Alimentorum in acuto Dolore, & febrili usus parvus, & tenuis, refrigerans; in chronico debita temporis & ordinis ratio observanda, ne importunâ ingestione cruditatibus major ansa detur. Si à defectu spirituum vitalium & animalium, assumantur *εύχρηστα καὶ εὐπεπτα* alimenta cum moderamine. Imprimis vero ab iis abstinendum, de quibus constat, quod occasionem præbuerint Cephalalgia. Motus & Quies, Somnus & Vigiliæ, pro consuetudine, & naturæ tolerantia observentur, ita tamen ne motus fortior post cibationem instituatur. Somnus meridianus in debilitate ventriculi, præsertim ad senium vergentibus, non planè interdicendus. Excretiones naturales, alvi, urinæ, sudoris, quovis modo conservandæ sunt. Absint omnes vehementiores animi passiones, fastidio sæ curæ, & intentæ cogitationes, spiritibus Vitalibus, & Animalibus vim magnam inferentes.

XXIV. Perduximus ad umbilicum *τὸν Θεῶ* exorsam Disquisitionis telam pro nostri ingenii modulo, rogantes ut Benivola Lector hæc boni consulat, si quæ minus accuratè proposita, aut prætermissa fuerint, imbecillitati nostræ veniam indulgens, dextrè interpretabitur. Interim pro concessis ad hunc laborem

viribus

Δόξα τῷ Θεῷ Ἀρχιἀτρί τεισμεγίστῳ!

- I. *An ex Urina, an verò ex Pulsu melior conjectura hauriri possit?* Aff. post.
 II. *An ex Auro Tinctura extrahi possit?* Dub.
 III. *An Capitis dolori ex crapulâ jejunium sit malum?* Dist. (Dist.
 IV. *An sanitati conferat aliquando, v. g. semel aut bis in mense, inebriari?*

Ad Clarissimum. DISPUTATIONIS AUTHOREM
 Πρωτόσησις Φιλοτήσι PRÆSIDIS.

E Uge, juvante DEO, conscendito pulpita clara,
 Atq; Tuas doctas ritè tuère Theses:
 Hoc studio felix rectâ sic ibis ad Artem
 Phœbéam, verus moxq; sequetur Honos.

P Rudentum quoties Medicorum evolveris amplos
 Libros, ac quanta Sedulitate Tuâ
 Tractes, è Cathedrâ Dis- docta- putatio monstrat,
 Dum Capitis noxas enucleare doces:
 His cœptis meritò nos pleno applaudimus ore:
 Ut fias Patriæ Spesq; Decusq; tuæ:

*Hac Nobilissimo DN. Respondenti, amicitiam suam
 contestandi gratia. adjicere voluere*

COMMENSALIS.

Κ Αλκιμαθης Πλασηρ Δαλέξι, ἄρτιν ὑπάρχεις,
 Ἡδὲ Καρηβαρίωνι πωρὰ γαίης λιπαρῶς.
 Εὐκλειῶς, κεφαλῶν σῶζων, ἔνθεν σὺ ἐγερθεῖς,
 Εἰνὶ σφῶν κεφαλαῖς τῶς κεφαλῇ πότ' ἔση.
 Αἰψ' ἔρξῃ σελαγίζεμεν. ἔνομα Σείο Μαχάων,
 Ἡδὲ ἀνεσορίης ἐσόμεν Πρύτανης.

*Clarissimo DN. Auctori hiscè mentis integritatem, non
 vero calami venustatem gratulabundus exhibet*

Joh. Vlricus Haffnerus,
 Phil. & S. Theol. St.

P Rimitus en rapido vicina Academia Nicro,
 Docta Tubinga, Tuos mores vitamq; probabat:
 Mox JEGERSCHMIDI, quantum perfeceris arte
 Inq; Machaoniâ, monstrares rite Lycéo
 Argentorati, laudabat pulchra laboris
 Pignora, tumq; novos fructus, conamina docta!

Nunc

Nunc *Θ* Athenæi Norici celeberrima laudant
 Lumina, pro meritò, Tua sic documenta cothurno
 Digna Sophocleo; Mentem ego, candide Fautor,
 Laudo Tuam, quia primo accessus fronte salutat
 Altdorphum specimen doctum, (Tua pagina nobis
 Offert;) nil igitur penitus dubito, ominis esse
 Felicis, dum de Cephaleâ differis aptè
 Præside sub tanto, cui nostra altaria fumant.
 Ardua, sed tanto, quo Te Natura beavit,
 Dædaleo ingenio, meritò condigna subisti:
 Haud frustra! siquidem Te jam super æthera tollunt
 Musæ Altdorphinæ, nec non certamina laudant.
 Hinc etiam quia ad egregium Thema carmina poscis,
 Cum tamen haud faciles mihi Musæ, penè recusem;
 At quoniam placeat Sylvas Noricas habitare,
 Non *Θ* ego erubui, meditari carmine Laudes,
 Quas es nocturnis Tu nactus, Amice, Camenis:
 Hæc Tu vera negas? sed eo mihi vera magis sunt;
 Testor ego Phœbum! qui vidit amare puellas
 Castalides Te, si Titan caput extulit undis
 Altius Eois, vel cum sua misit Olympo
 Lumina, tunc firmo Te vidit amore teneri
 Musarum, atq; choro pergrato semper adesse;
 Ut dicam breviter: Sensit quoq; doctior orbis,
 Qui probat applausu, Tua pro merito, documenta;
 Ecce! Gienga satis Te dignum suspicit ipsa.
 Mañte bonis tantis! sic perge, ultroq; sequentur
 Virtutes comites, quæ semper Te comitentur!
 Sic age, nocturnis perge impallescere chartis,
 Namq; Tuos ausus manet acceptissima palma.
 Hæc sint vera, precor, voveoq; , Suavis Amice,
 Ut studii porro conatus Numina Dia
 Fortunent. Satis est! Prensando fortiter insta,
 Sic Tibi semper Honos, Nomen, Laudesq; manebunt.

Pauca hæc Nobilissimo atq; Præstantissimo Disputationis
 hujus Auctori, Amico atq; Conterraneo suo singulariter
 dilecto, gratulabund. adjicere voluit

Georgius Wilhelmus Widenmann/
 Nördlingio-Rhetus.